

Broj: 101-1344/19
Datum: 09.10.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku nafte i naftnih derivata za Radioteleviziju Bosne i Hercegovine u RTV Domu i Relejnim stanicama Vlačić, Tušnica i Hum (Lot 1), ITC Zenica (Lot 2), ITC Mostar (Lot 3), ITC Banjaluka (Lot 5) i ITC Tuzla (Lot 6)* izabran ponuđač **HIFA PETROL d.o.o. iz Sarajeva.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-1092/19 od 20.08.2019. godine Komisija za javne nabavke je pokrenula proceduru otvorenog postupka nabavke koji za predmet nabavke ima *nabavku nafte i naftnih derivata za Radioteleviziju Bosne i Hercegovine u RTV Domu u Sarajevu i Relejnim stanicama Vlačić, Tušnica i Hum po Lotu 1, ITC Zenica po Lotu 2, ITC Mostar po Lotu 3, ITC Banjaluka po Lotu 5 i ITC Tuzla po Lotu 6.*

Na predmetni otvoreni postupak nabavke, objavljen 10.09.2019. godine pod brojem 113-1-1-85-3-95/19 na web portalu elektronskih javnih nabavki www.ejn.gov.ba, kao i u „Službenom glasniku BiH“ br. 62/2019 od 13.09.2019. godine, a u skladu sa članom 25. Zakona o javnim nabavkama Bosne i Hercegovine, ponudu za navedene lotove dostavio je ponuđač **HIFA PETROL d.o.o. iz Sarajeva**, i to:

▪ Lot 1 – RTV Dom Sarajevo i Relejne stanice Vlačić, Tušnica i Hum	KM 154.636,41	Popust 7,0%
▪ Lot 2 – ITC Zenica	KM 4.515,49	Popust 1,0%
▪ Lot 3 – ITC Mostar	KM 6.660,22	Popust 1,0%
▪ Lot 5 – ITC Banjaluka	KM 6.353,94	Popust 4,0%
▪ Lot 6 – ITC Tuzla	KM 6.212,89	Popust 1,0%

Provjerom valjanosti Komisija je ustanovila da su primljene ponude za svaki Lot posebno u potpunosti validne, u skladu sa tenderskom dokumentacijom i Zakonom o javnim nabavkama Bosne i Hercegovine, pa su uzete u razmatranje za valorizaciju ponuda i izbor najpovoljnijeg ponuđača.

S obzirom da se radilo o otvorenom postupku nabavke, da je u potpunosti zadovoljen princip transparentnosti, te da se dodjela ugovora, u skladu sa članom 64. stav (1) tačka b) Zakona o javnim nabavkama Bosne i Hercegovine, zasniva na kriteriju najniže cijene tehnički prihvatljive ponude, Komisija je postupila u skladu sa članom 25. stav (1) tačka e) Zakona o javnim nabavkama Bosne i Hercegovine i izvršila izbor najpovoljnije ponude.

Pošto je samo ponuđač HIFA PETROL d.o.o. iz Sarajeva dostavio ponude za navedene lotove, te da su predmetne ponude u potpunosti validne, ugovorni organ Radiotelevizije Bosne i Hercegovine je, na temelju svega naprijed navedenog, odlučio kao u dispozitivu ove Odluke.

Sa izabranim ponuđačem predviđeno je sklapanje okvirnog sporazuma na period od jedne godine i na iznos budžeta odobrenog po lotovima, navedenom u Izvještaju Komisije za javne nabavke, koji predstavlja sastavni dio ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.



Generalni direktor BHRT-a
Belmin Karamehmedović

Dostaviti:

- HIFA PETROL d.o.o. Sarajevo
- Arhiva